

Obrazovanje je pasoš za budućnost, jer sutra pripada onima koji se za nju danas pripremaju. - Malcolm

LIST UČENIKA I NASTAVNIKA OŠ "ALIJA NAMETAK" SARAJEVO



BISERAK



MAJ 2022. GODINE

Školska 2021/2022. godina

- Riječ direktorice
- Škola u novom ruhu
- Edukativna ekskurzija nastavnika u Republiku Tursku
- Dan državnosti Bosne i Hercegovine
- Mural oš "Alija Nametak" Sarajevo
- Izazovi savremenog odgoja
- Škola u prirodi
- Škola skijanja



SRETAN VAM 15. MAJ - DAN ŠKOLE



- Obilježavanje 29. godišnjice 105. motorizovane brigade
- Međunarodni dan maternjeg jezika i dan ružičastih majica
- Dan nezavisnosti Bosne i Hercegovine
- Takmičenja učenika po predmetima i smotrama
- Pravilna ishrana
- Kako zaštитiti životinje?
- Izleti učenika
- Produceni boravak
- Ponos generacije
- Tvoje je ono što daš drugima
- Edukativno putovanje učenika IX razreda u Srebrenicu

RIJEČ DIREKTORICE



"PORODICA JE STUB DRUŠTVA"

Dobar dan dragi učenici, roditelji, nastavnici...

Ovih dana, naša škola proslavlja jubilarni 70. rođendan. Zahvaljujući Ministarstvu za odgoj i obrazovanje, UNDP-u i Općini Centar naša Ijepotica je zasjala u novom ruhu.

Ovogodišnju temu nosimo svi u sebi, ona je dio svakog od nas, jer porodica je najveće bogatstvo u životu svakog pojedinca. Porodična ljubav budi plemenita osjećanja u čovjeku. Porodičan čovjek nikad nije sam, ima one koji ga vole i one koje voli on. Porodica je i škola, izvor dobra za svakog čovjeka, u porodici se rađamo, razvijamo naš identitet i pripadnost. Sa porodicom dijelimo zajedničku prošlost, sadašnjost i budućnost.

Da bi funkcionalisali kao individua ili grupa moramo čuvati porodične vrijednosti i njegovati porodične odnose. Škola je danas dobila ulogu proširene porodice, jer sretno dijete u školi je i sretno dijete u porodici. Vjerujem da ćemo uz saradnju kakva je bila do sada, te uz zalaganje i entuzijazam svih nas učvrstiti temelje za dalji napredak škole kojim se s pravom ponosimo.

Svim učenicima, nastavnicima i uposlenicima škole čestitam Dan škole i Međunarodni dan porodice, a svi skupa činimo jednu veliku, sretnu i uspješnu porodicu.

Nerminka Hadžić



DOČEK PRVACIĆA

NOVA GENERACIJA NAŠE ŠKOLE

ZNAK DOBRODOŠLICE NAŠIM PRVACIĆIMA

Ove godine, konačno nakon pandemije, prvačići su mogli imati svoj pravi doček. Vrijedni drugi i treći razredi su zaželjeli dobrodošlicu svojim drugarima igrom, plesom i pjesmom. Zbog poštivanja higijensko-epidemioloških mjer doček je pripreman za svako odjeljenje posebno. Na kraju se trud isplatio, jer su naši prvačići osjetili toplinu dobrodošlice kakvu zaista zaslužuju.



NAŠA ŠKOLA

-broji 628 učenika

-27 odjeljenja

-66 uposlenika

-42 nastavnika
razredne i predmetne
nastave

-66 prvačića





ŠKOLA U NOVOM RUHU



Ove godine naša školska zgrada, naša ljepotica je zasjala u novom ruhu. Napornim radom menadžmenta škole i pomoći Općine Centar Sarajevo uspješno je okončano renoviranje školske zgrade.

U okviru ove obnove urađena je fasada zgrade, zamijenjena stolarija, obnovljen krov, izgrađen novi sistem centralnog grijanja, produženi boravak te renovirana sala za tjelesni odgoj.

Zahvalni smo i sretni što smo uspjeli jer budućnost je na našoj mladosti koja najviše vremena provodi u školskim klupama.

Nadamo se da svi znaju da: "Znanje je blago koje svog vlasnika svugdje prati."





KAKO JE IZGLEDAO PERIOD RENOVIRANJA?





EDUKATIVNA EKSKURZIJA NASTAVNIKA U REPUBLIKU TURSKU

“Svijet je knjiga i oni koji ne putuju pročitaju samo jednu stranicu.”



Povodom 5. oktobra - Svjetskog dana učitelja nastavnici naše škole su zahvaljujući Turskom kulturnom centru Yunus Emre u Sarajevu posjetili Tursku gdje su imali priliku vidjeti ljepote Istanbula, predivnog grada. Posjetili su mnoga mesta u Istanbulu: Aja Sofiju, Plavu džamiju, Topkapi palaču, Kapali čaršiju, Luku Emononu, Dolmabahče palatu, Zlatni rog, Trg Taksim, Azijski dio grada, Florya Ataturk Forest... Lijepo sjećanje i uspomene nose iz škole "Zeynep Bedija Kiliclioğlu İlkokulu", gdje su nastavnici srdačno dočekani te su proveli nekoliko sati u obilasku škole, druženju sa učenicima i nastavnicima. To je zaista jedno predivno druženje i posjeta koja će ostati dugo, dugo u lijepom sjećanju. U prilogu je dio prelijepo atmosfere koja je pratila naše nastavnike prilikom boravka u Republici Turskoj.



“PUTOVANJE TE OSTAVI BEZ TEKSTA, A ONDA TE PRETVORI U PRIPOVJEDAČA.”



JA DOMOVINU IMAM I U SRCU JE NOSIM

25. NOVEMBAR - DAN DRŽAVNOSTI BOSNE I HERCEGOVINE



U povodu obilježavanja 25. novembra - Dana državnosti Bosne i Hercegovine održana je priredba čiji su sadržaji objedinjeni u video, obzirom na higijensko-epidemiološke mjere.



Učenici razredne i predmetne nastave, kroz različite tačke i izradu panoa, uzeli su učešće u obilježavanju rođendana naše domovine, evocirajući uspomene na datum kad se obnovila njena državnost.

Sve tačke koje su izveli učenici bile su vrlo inspirativne, a učenici su pokazali koliku ljubav i patriotizam gaje prema svojoj jedinoj domovini Bosni i Hercegovini.

DOMOVINO, SRETAN TI ROĐENDAN!



"Bosna nije samo parče zemlje na brdovitom Balkanu. Za mnoge od nas Bosna je ideja, san o zemlji na razmeđu svjetova, na velikoj granici između Istoka i Zapada. To je zemlja više vjera i nacija, pa stoga i zemlja tolerancije, gdje svako može da misli i vjeruje kako želi, gdje ne smije biti nasilja nad čovjekom i gdje neće biti nepravde".

Alija Izetbegović

NJU JE LAHKO VOLJETI



Domovino, sretan ti rođendan!



EKOLOŠKA SEKCIJA

BUDI I TI EKO HEROJ

Učenici naše škole su se pokazali kao pravi eko heroji; vjerujemo da će nakon ovog projekta, u toku svog odrastanja, sa velikim entuzijazmom dati veliki doprinos u očuvanju životne sredine, jer na njima svijet ostaje.



Obnovom šumskog ekosistema u prekrasnoj prirodi izletišta Barice, u blizini Sarajeva, uspješno je okončan završni dio projekta "Budi i ti eko heroj, sačuvajmo našu okolinu"

Učenici osnovnih škola Kantona Sarajevo zajedno sa svojim nastavnicama, kao i organizatorima projekta su procesom sadnje bijelog bora i javora uložili svoj maksimalan trud u izvršenju ovog zadatka.

Sudjelovanje učenika u ovakvim aktivnostima kod njih stimuliše osjećaj povezanosti sa prirodom kao i odgovornosti prema njenom očuvanju. Po završetku projekta svim učesnicima programa su uručene potvrde o učešću kao i prigodni pokloni. Ovim projektom naša misija je bila da ukažemo na značaj koji ekološka svijest ima u uspostavljanju ravnoteže čovjeka i njegovog okoliša.

Članovi ekološke sekcije uzeli su učešće u svim važnijim aktivnostima zaštite i unapređenja životne sredine.



"Budi i ti eko heroj, sačuvajmo našu okolinu"



KAKO ZAŠTITI ŽIVOTINJE?



RADIONICA UČENIKA V RAZREDA O "ZAŠTITI ŽIVOTINJA"

Vrijedni učenici 5. razreda su kroz nastavu Prirode i radionicu na temu „Zaštita životinja“ naučili kako se trebamo brinuti o životnjama, kako im možemo pomoći i zaštititi ih.

Podsjećamo sve na mudru izreku: “Bilo je nužno civilizovati čovjekov odnos prema čovjeku. Sada je nužno civilizovati čovjekov odnos prema prirodi i životnjama.”

Victor Hugo



EDUKATIVNO PUTOVANJE U SREBRENICU ZA UČENIKE IX RAZREDA

I ne recite za one koji su na Allahovu putu poginuli: "Mrtvi su!" Ne, oni su živi, ali vi to ne znate! (Kur'an / El-Bekare, 154)



Historijski čas i učenje sure Jasin za šehide Potočara

U pratnji razrednika i direktorice škole učenici IX razreda su posjetili Memorijalni centar u Srebrenici. Ukupno 65 učenika naše škole prisustvovali su historijskom času o dešavanjima na ovom prostoru, a sa nastavnicom Islamske vjeroukune Hasani Sijom proučili su i predali Jasin za sve šehide u Potočarima.

Ovo je za njih bio vrlo emotivan dan i prilika da čuju istinite historijske činjenice o dijelu ratnih dešavanja na ovom području.

Ovim je nastavljenja praksa da učenici završnih - IX razreda na kraju osnovnoškolskog obrazovanja posjete Memorijalni centar u Potočarima.

Ovu priliku koristimo da se zahvalimo našim učenicima za izuzetno lijepo ponašanje i disciplinu koju su pokazali na dan posjete - 13. aprila, 2022. godine.





Izlet učenika IV, V, VI, VII i VIII razreda u Visoko i Travnik

U petak, 06.maja, 2022. godine učenici IV, V i VI razreda bili su u posjeti Arheološko-turističkom parku Ravne i prahistorijskim tunelima Ravne. Uz pomoć profesionalnih vodiča i u pratnji razrednika učenici su se upoznali sa ogromnom mrežom podzemnih tunela, raskrsnice, komora i akumulacijom vode koje su smještene ispod Bosanske doline piramida. U parku Ravne učenici ogli vidjeti prelijep ambijent koji je urađen nakon nakon ispuštanja vode, sadnje biljaka i trave, uklanjanja odlagališta i postavljanja parkovskih objekata.

Učenici IX razreda bili su u posjeti vezirskom gradu Tavniku gdje su posjetili Stari Grad, Plave Vode, Muzej - Rodnu kuću Ive Andrića kao i ostale sakralne objekte u ovom gradu na rijeci Lašvi. Opći je utisak sa obje destinacije na kraju dana bio vrlo pozitivan.



IZLET UČENIKA I, II, III RAZREDA



Pionirska dolina i Čavljak

U petak, 06. maja, 2022. godine učenici I i II razreda, u pratnji učiteljica i učitelja posjetili su Zoološki vrt Pionirska dolina. Oni su uživali u šetnji kroz prirodu i razgledanje nekoliko desetina vrsta životinja. Učenicima su bile na raspolaganju brojne igračke i animacije (eletrični autići, vozići, vrteška, kao i igrališta sa toboganima i klackalicama). Učenici III razreda istog dana posjetili su izletište Čavljak koje se nalazi desetak kilometara od centra Sarajeva. Čavljak je za naše učenike uvijek idealno mjesto za brzi bijeg u prirodu. Učenici su iskoristili lijepo vrijeme uživajući u šetnji i prekrasnim krajolicima.

Nakon perioda pandemije, ovo je bila prava prilika da mališani osjete čari flore i faune na ovim odabranim lokacijama. Preljepu atmosferu dočarali smo kroz nekoliko fotografija u prilogu.



TVOJE JE ONO ŠTO DAŠ DRUGIMA!



II mjesto na takmičenju iz Građanskog obrazovanja

Učenici naše škole učestvovali su na općinskom takmičenju u realizaciji projekta „Javne kuhinje – humanost u srcu“ koji je osmišljen u okviru projekta „JA GRAĐANIN“ pod pokroviteljstvom CIVITAS-a, Obrazovnog centra za demokratiju i ljudska prava koji je dio globalne mreže koja podržava učenike u građanskom aktivizmu. Kroz ovaj projekt učenici su istraživali rad narodnih kuhinja u Kantonu Sarajevo kao i poteškoće sa kojim se susreću korisnici usluga. Naša škola osvojila je drugo mjesto.

Neke od aktivnosti koje su naši učenici realizirali u sklopu projekta:

- Dana 07.03.2022 .godine posjetili su Ministarstvo za socijalni rad, raseljene lica i izbjeglice Kantona Sarajevo i prisustvovali sastanku sa ministricom Ivanom Prvulović, predsjednicom Koordinacionog tijela za rad javnih kuhinja Edinom Jakubović. Njihova inicijativa za pomoći socijalno ugroženom stanovništvu proslijeđen je Koordinacionom tijelu za koordinaciju rada javnih kuhinja u Kantonu Sarajevo, raspodjelu donatorskih sredstava za rad javnih kuhinja i rješavanje drugih pitanja koji će razmotriti prijedlog,
- Dobili su podršku od Udruženja poslodavaca Federacije Bosne i Hercegovine
- Organizovali proteste kako bi ukazali javnosti na nepotrebno uništavanja hrane koja može biti od pomoći drugima,
- Napravili profil na Instagramu putem kojeg promovišu prijedlog i tražili podršku građana (peticije), a pripremili su i info-materijal te volontirali u Narodnoj kuhinji Stari Grad što je zabilježeno u nekoliko fotografija u prilogu.

**JU OŠ "ALIJA NAMETAK"
SARAJEVO**

Svjetski dan knjige i autorskih prava obilježava se 23. aprila svake godine kao simboličan datum u svjetskoj književnosti.

Odluka o obilježavanju Svjetskoga dana knjige i autorskih prava donesena je na Općoj konferenciji UNESCO-a održanoj u Parizu 1995. godine.

„ŽIVOT JE LIJEGA STVAR, ALI JA VIŠE VOLIM ČITANJE.“

JULIAN BARNES

ČITANJEM UČIMO

**ČITANJEM SE ŠIRI
VOKABULAR**

**ČITANJE POBOLJŠAVA
PISANJE**

**ČITANJE POBOLJŠAVA
PAMĆENJE**

ČITANJE UMANJUJE STRES

ČITANJE JE ODLIČNA ZABAVA

ČITANJE STIMULIRA MOZAK

**ČITANJE RAZVIJA
KREATIVNOST**

**23. APRIL - SVJETSKI
DAN KNJIGE**



Naši učenici na ovogodišnjem sajmu knjiga sa nastavnicom Džanom Ramović

**ŽIVOT KOJI ŽIVIMO ODRAZ JE
RIJEČI KOJE IZGOVARAMO.**

GRANICE MOG JEZIKA - GRANICE MOG ZNANJA



Nešto što čini neizostavan dio identiteta svakog Bošnjaka jeste jezik. Uzimajući to u obzir, bosanski jezik je moj identitet i granica mog znanja. Još od 1993. godine i te odluke sabor, svi Bošnjaci pričaju bosanskim jezikom.

Tužno je to što sad dvije najbliže rodice, kćerke dviju sestara, pričaju potpuno različitim jezicima. Jedna čisto priča njemački, a druga bosanski. Tu se negdje gubi identitet, među "našim" koji su negdje u svijetu, među Bošnjacima što su bili primorani napustiti domovinu. Ali, mi, Sarajlije, Mostarci, Tuzlaci..., se gubimo u tom svijetu modernizacije. Pored „modernog“ svjetskog jezika, uopšteno maternji jezici se povlače u duboke sjene i polako nestaju. Amerikanizacija i englezacija, pa i germanizacija se uvlači u svaku poru naše svakodnevnice, pogotovu najmlađe generacije oduzimajući nam ono naše. Bosanski jezik zasigurno je najbogatiji jezik na ovim prostorima, činjenično dokazano: hrvatski jezik u svom vokabularu ima riječ sat, srpski čas, a bosanski čas (govoreći o školskim 45 minuta) i sat (označavajući vremenski interval u trajanju od 60 minuta). Naš jezik kao takav se gubi i umire, nažalost. Ali, ako se svaki Bošnjak zaustavi i razmisli malo ovo se vrlo lako može sprječiti. Jednostavno treba da ne dopustimo da umjesto „sviđa mi se“ neprestano se govori „lajkam“ i slično, i naravno da sebi jasno kažemo da nam niko ne smije oduzeti naš jezik, uništiti lijepi bosanski. I ja sama, kao učenica osmog razreda, uživam u učenju stranih jezika, npr. odlično govorim engleski, dobro se snalazim u njemačkom jeziku, a „volim te“ znam reći na devet različitih jezika, ali ni u jednom momentu ne zapostavljam svoje jezik, bosanski, i ne gubim svoj identitet. Temelj mog znanja je moj jezik. On je moja prošlost, sadašnjost i budućnost.

Od Humačke ploče pa do naših dana ništa nije toliko bilo na udaru raznih vjetrometina kao naš Bosanski jezik. Baš kao i narod. Gazili su ga i nijekali. Borila se glagoljica, bosančica, arebica, cirilica i latinica da izbore svoje mjesto od Povelje bosanskoga bana Kulina, stećaka, do zapisa osmanskog putopisca Evlije Čelebije. Iznjedrio je naš jezik davne 1794. i prvu pjesnikinju na Bosanskom jeziku Umikanu Čuvidinu. Krajem 19. i početkom 20. stoljeća pojavio se i prvi časopis Behar na Bosanskom jeziku. Znali su dobri naši bošnjani da garancija opstanka nisu mač niti rat nego jezik. Znao je to naš Safet-beg Bašagić i Musa Ćazim Ćatić, znali su to i Abdurezak Hivzi Bjelavac i Zija Dizdarević. Njegovu snagu i jačinu koristio je i naš Meša Selimović. Bogatstvo koje je naš jezik okupio u sebi postidilo bi i najveće i najstarije svjetske civilizacije. Zato vas, Bosanci i Hercegovci, molim da poput dragulja i rubina čuvate i čuvamo naše blago, naš opstanak, našu snagu, naš jezik.

Bez njega, našeg Bosanskog jezika, nema ni nas, on je naša hamajlja u koju su utkani naši korjeni, borbe, život i smrt. Zato danas s ponosom gledam u svijet jer znam ko sam, odakle dolazim i gdje idem.

I na kraju krajeva zar ljepše ne zvuči „Bosnom behar probiharao“, nego „Bosnia covered in petals“?



HISTORIJSKA SEKCIJA

Kao historijska sekcija Osnovne škole "Alija Nametak" plakatima i literarnim radovima obilježili smo mnoge događaje i datume značajne nama i našoj domovini. Nakon dugog online perioda, historijska sekcija ponovno oživljava dočekom 25. novembra, Dana Državnosti BiH. Povodom ovog događaja, naših 8 polaznika su marljivim radom napravili 3 panoa koji su se sastojali od mnogo slika i literarnih radova koji su sastavljeni od strane naše polaznice, Hasanović Dželile.

Na sličan način smo obilježili važne datume poput: 18. februar (105. Motorizovana brigada), 1. mart (Dan Nezavisnosti BiH), 6. april (Dan grada Sarajeva), a uskoro ćemo obilježiti i 15. maj, Dan Škole "Alija Nametak".

Sa našom nastavnicom Nermom Hasanović, išli smo u obilaske mnogih muzeja, poput Muzeja grada Sarajeva i Muzeja Jevreja. U skorije vrijeme idemo u posjetu Svrzinoj kući i Vjećnici, te imamo mnoge izlete planirane u mjesecu junu.

"Ko zaboravi, njemu se i ponovi", iz tog razloga, naša škola je ustrajna u obilježavanju značajnih događaja, koji često ostanu u zaboravu.

Obilježavanje godišnjice 105. motorizovane brigade



U sklopu obilježavanja godišnjice 105. motorizovane brigade, u našoj školi, u petak 18. februara 2022. godine, održan je historijski čas za učenike IX razreda na kojem se pored direktorice i nastavnice Azerine, sa prigodnim predavanjem obratio gost iz Općine Centar. On je učenike podsjetio na značaj odbrane Grada i doprinos ove proslavljenje motorizovane brigade koji je dala našem gradu. Takoder, članovi Geografske, historijske i novinarske sekcije izradili su prigodne panoe u vezi ove teme, a vrijedi napomenuti da je naša učenica, Farah Bećiragić osvojila 2. mjesto na takmičenju iz literanog rada na temu: „Mojoj dragoj 105. motorizovanoj brigadi“. Njen rad je pročitan na centralnoj svečanosti na Grdonju, na kojoj je prisustvovao i načelnik Općine Centar.



Mojoj dragoj 105. motorizovanoj brigadi

Šta za sve nas znači pojam domovina? To je najljepši cvijet u bašti svijeta, star, a ipak ponosan.

Poslije tolikih nedaća i stradanja ona i dalje gordo stoji i širi svoje latice poput cvijeta na sve strane svijeta. Njeno je srce otvoreno i baš takva je ušla u mene i u dušu moju, a ja se uvukla u njeno krilo i okrilje.

Pokušali su je otrgnuti, podijeliti i počupati sve njene latice mnogo puta, ali je ona uvijek nadjačala i najjačeg i najzlobnijeg. Htjeli su joj skinuti sunce i njegov blistav sjaj, oduzeti igru i radost djeci. Nakon svake pokidane latice uvijek su nicale nove, ljepše i snažnije. Htjeli su da te uzmu Bosno moja, pogaze i pretvore u pepeo. Tebe, koja opijaš svakog od nas, ma koliko se trudili, ipak nisu mogli uništiti jer su tu bili hrabri ljudi 105. motorizovane brigade kao i mnogih drugih.

Dok slušam o surovom ratu, vidim ga kako bez milosti korača i ostavlja pustoš, neutješnu bol i neizlječive rane iza sebe. Vrijeme prolazi, a sjećanja na dane rata još uvijek su jednako bolna iako se postepeno stišavaju i stvarnost postaje sve jasnija.

Dok sve ovo pišem, sjedim na livadi, nalazim pokoji stručak djeteline sa četiri lista, a nedaleko se žuti vesela, pomalo čupava glavica maslačka. Sve to je dio moje domovine.

I list na grani, vesele vjeverice, razuzzdani dječiji glasovi i dvoje mladih na klupi u parku, zagrljeni vjeruju u moć ljubavi i dostojanstvo svog naroda i države.

Prislonim uho na zemlju i čujem njeno disanje. Znam da joj je bilo teško i da sada liječi svoje rane mladošću koja je čuva i uveseljava kao vječiti zavjet onima koji su svoje živote dali da bi oni otvorenih očiju, vedrog osmijeha i raširenih ruku hrlili u zagrljaj budućnosti.

Zato, ne daj nas Bosno iz okrilja svog i hvala hrabrim boracima koji su svojim životima branili i odbranili našu jednu i jedinu domovinu, Bosnu i Hercegovinu. Mnogi su živote dali da bi „mi“ danas podignute glave slobodno i hrabro ovom zemljom koračali.

Farah Bećiragić VII-2



ŠKOLA U PRIRODI ZA UČENIKE IV RAZREDA



-realizirana u periodu 14. i 15. aprila, 2022. godine

-lokacija: Šabići, pri OŠ „Zaim Kolar“

-Ministarstvo za odgoj i obrazovanje je omogućilo učenicima prevoz, hranu i dvodnevni smještaj

Realizirani adekvatni sadržaji za učenike IV razreda (Moja okolina, ...).



ŠKOLA SKIJANJA ZA UČENIKE VI RAZREDA



Igman i Bjelašnica - mart i april 2022.

I ove godine realizirana je Škola skijanja za učenike VI razreda. Prema rasporedu Ministarstva za odgoj I obrazovanje, naša škola je počela u "II grupi"; od četvrtka, 03. marta za učenike VI-1 odjeljenja.

Nakon toga, na igmanu i Bjelašnici su bili učenici VI-2 i VI-3.

Ovo je bila još jedna odlična prilika da naši učenici savladaju nove vještine koje će moži koristiti u svom životu, a sa ove aktivnosti nose samo pozitivne reakcije.



GEOGRAFSKA I IZVIĐAČKA SEKCIJA



BROJNE AKTIVNOSTI U ŠKOLSKOJ 2021/2022. GODINI

Članovi izviđačke i geografske sekcije su u školskoj 2021./2022. godini zajedno sa nastavnicom Nermom Mršo učestvovali u obilježavanju svih važnih datuma.

Pored obrazovnog, cilj je bio razviti kod učenika svijest o značaju i važnosti datuma koji se obilježavaju kod nas i u svijetu.

Povodom 25. novembra obilježen je Dan državnosti Bosne i Hercegovine, priredbom u školi i izradom panoa.

Izradom prigodnih prezentacija obilježen je Međunarodni dan planina 11. decembra, kao i Međunarodni dan močvara 2. februara.

18. februara obilježen je dan 105. motorizovane brigade Armije Bosne i Hercegovine izradom panoa.

Povodom 01. marta Dana nezavisnosti Bosne i Hercegovine učenici su učestvovali izradom panoa i prigodnih prezentacija. Pored navedenog članovi izviđačke sekcije obradili su i razne teme kao što su izviđačka porodica, putni znakovi, briga o starijima, briga o zdravlju, očuvanje prirode...



PORUKA LJUDIMA ŠIROM SVIJETA: ČUVAJTE PRIRODU NAŠEG PLANETA, NE ZAGAĐUJTE ŠUME I POLJA, ČUVAJTE RIJEKE I MORA! SADITE DRVEĆE I CVIJEĆE I NAŠA PLANETA BLISTAT ĆE OD SREĆE.

AKTIVNOSTI PRODUŽENOG BORAVKA

Tokom mjeseca septembra učenici produženog boravka su na svoj način prikazali dolazak jeseni u naše krajeve. Uzeli su učešće u radionici mješoviti kreativac, te posjetili urbanu jezgru grada Sarajeva.

U mjesecu oktobru posjetili su muzej, izradili šoljice za čaj, pisali glasove, pravili laviće i obilježili Dan učitelja.

Tokom mjeseca novembra i decembra, pravili su zimsku odjeću, snješko bijelića uz pomoć papira i bojica. Napravili su čestitke u povodu nastupanja Nove godine, a kreativnost su dokazali kroz izradu snježnih kuglica pomoću ukrasa i teglica.

Za Dan planete Zemlje napravili su vrlo inspirativan pano, a u povodu obilježavanja 01. marta - Dana nezavisnosti Bosne i Hercegovine pokazali su koliko vole svoju domovinu. Izradom behara na stablu najavili su dolazak proljeća, a povodom obilježavanja 06. aprila - Dana Sarajeva posjetili su znamenitosti našeg šehera.

Prigodnim čestitkama i poklonima obilježili su 08. mart - Dan žena i Ramazanski bajram, a sa učiteljicama su uredile školsko dvorište i time pokazali svoju opredjeljenost za očuvanje prirode i okoliša.

Donosimo dio aktivnosti iz ove školske godine!



AKTIVNOSTI PRODUŽENOG BORAVKA





23 ➞

CANVA STORIES



23 ➞

CANVA STORIES



23 ➞

CANVA STORIES



AKTIVNOSTI PRODUŽENOG BORAVKA

Produžení boravak



2021/10/

Neka vaša hrana bude lijek, a vaš lijek vaša hrana. Hipokrat




Pripremanje jednostavnog jela - voćna salata

Učenici V razreda su, u sklopu oglednog časa Kulture življenja, pravili voćnu salatu. Koristili su sljedeće namirnice: narandže, jabuke, banane, jagode, maline i šlag. Bili su vrlo oduševljeni i na kraju časa su se počastili. Nastavnica je podsjetila učenike da je zbog očuvanja zdravlja potrebno unositi raznovrsnu hranu te mnogo voća i povrća koje sadrži hranjive sastojke poput bjelančevina, vitamina, minerala, masti, ugljikohidrata i vode.



LIKOVNA SEKCIJA

Veliki umjetnik nikada ne vidi stvari onakvima kakve jesu. Kad bi ih video takvima, više ne bi bio umjetnik.



LIKOVNA SEKCIJA

Mural OŠ "Alija Nametak" Sarajevo



CNVFILLM FF1



23

CANVA STORIES

Sam rad predstavlja nadu u bolje sutra, zajednički doprinos očuvanju prirode i našeg okruženja, reciklirajući sirovine i smanjenje gomilanja otpada što treba da je zadatak svih generacija onih koje izlaze iz škole i onih najmlađih koji su tek upisani u prvi razred. Veliko stablo simbolizira porodicu i zajednicu naše škole. Težnja da ostvarimo bolje obrazovanje, da stremimo višem cilju i da ne odustajemo!

Slati svjetlost u dubine ljudskog srca – to je poziv umjetnika.

Robert Schumann

22. april - Dan planete Zemlje

CNVFILLM FF1



23

CANVA STORIES



Čuvajmo Zemlju i prirodu na njoj, jer ih nismo naslijedili od svojih djedova i očeva, nego smo ih posudili od svojih potomaka.“

**Ligata Lamija - 1. mjesto na Federalnom takmičenju
iz muzičke škole (violončelo)**

**Pašić Lamija - učešće na evropskom takmičenju u
borilačkim sportovima u Bugarskoj koje će se održati
od 12. do 15. maja**

Gačanin Eldin - državni prvak u kick boksu.

ČESTITKE NAŠIM UČENICIMA!

VANNASTAVNE AKTIVNOSTI





LIGA U FUDBALU ZA OSNOVCE OPCINE CENTAR

U organizaciji Javne ustanove „Centar za sport i rekreaciju“, a pod pokroviteljstvom Općine Centar, u prethodna dva mjeseca održana je liga u fudbalu za osnovce Općine Centar. Ukupno je odigrano 9 kola, u kojima se takmičilo 10 škola. U kategoriji mlađih učestvovala su djeca od V-VII razreda, dok su u kategoriji starijih osnovaca, koji su predstavljali reprezentaciju svoje škole učestvovali učenici VIII i IX razreda.

U kategoriji starijih osnovaca sa osvojenih 25 bodova prvi na tabeli su fudbaleri Osnovne škole „Musa Ćazim Ćatić“. Drugoplasirana ekipa sa osvojena 22 boda su fudbaleri Osnovne škole „Nafija Sarajlić“, dok je trećeplasirana ekipa bila naša škola“ sa također 22 boda.

Medalje i pehare najboljim ekipama i njihovim trenerima uručili su Općinski načelnik Srđan Mandić, direktor JU „Centar za sport i rekreaciju“ Mirza Muzurović, Lejla Dizdarević pomoćnica općinskog načelnika za obrazovanje, društvene djelatnosti, kulturu i sport, Amra Hašimbegović Vučković šefica odsjeka za kulturu i sport, te Azra Fazlić koordinatorica Lige osnovnih škola.



ČESTITAMO NAŠIM UČENICIMA NA OSVOJENOM 3. MJESTU!

PROGRAM WAKELET UČENIK AMBASADOR

Ponosni ambasadori naše škole

Vrijedni učenici naše škole uključili su se u program "Wakelet Učenik Ambasador". Oni su uspješno završili sve tražene zadatke i tako službeno postali ambasadori ovog digitalnog alata.

U toku izrade zadataka, učenici su vježbali svoje digitalne kompetencije, razvijali kritičko mišljenje i učili kako da rade u timskom radu.

Suština ovog programa jeste ovladavanje modernim i dinamičnim vještinama učenja kako bi postali kompetentni digitalni građani.

Ovim programom naša škola je dobila i službenu potvrdu i svrstala se u skupinu škola čiji su učenici uspješno završili edukaciju.

Posebne zahvale dugujemo našoj nastavnicici Jasmini Sijerčić koja je nesrebično svoje znanje prenijela na učenike i tako kod njih osnažila liderske sposobnosti.



školska 2021/2022. godina

Mali hor

Članovi:



Bakal Hena, Brdarić Lamija, Dedajić Asja, Hasanović Esma, Hadžić Azra, Jakubović, Hannadi, Kovačević Eman, Kulovac Adna, Mizdrak Nađa, Mušić Ajna, Osmić Berin, Suković Demir, Kurić Esma, Drinjak Sara, Pašalić Nedzla, Poturković Merjem, Vrabac Una



Nastup sa prijema prvačića



25. novembar



01. mart

školska 2021/2022. godina

Recitatorska sekcija

Članovi:



Deljković Kerim, Fejzić Ali, Hadžić Azi, Kurić Esma, Pašalić Nedžla,
Poturković Merjem, Spahić Eman



neki od nastupa u
školskoj
2021/2022. godini

školska 2021/2022. godina

Dramska sekciјa – mlađi uzrast

Članovi:




1. Ademović Lejla, 2. Bećiragić Merjem, 3. Hodžić Umihana,
4. Jelić Rejhana, 5. Kubur Džana, 6. Martinović Ema,
7. Muhić Iman, 8. Sijerčić Hamza, 9. Smajlović Adian,
10. Smajlović Tajra, 11. Vatreš Emir



**Neki od nastupa u školskoj
2021/2022. godini**

READ MORE



školska 2021/2022. godina

Ritmička sekcija



READ MORE

školska 2021/2022. godina

Folklorna sekcija



Članovi: Čolić Ajša, Peljto Sabina, Redžepagić Nehra, Kurtović Melika, Kurtović Amina, Kurtović Amin Abdul-Hadi, Mešanović Amer, Mešanović Iman, Turulja Ahmed, Šenderović Lamija, Kadrić Imran, Lilić Danin

[READ MORE](#)



Učenica IX-3 **Rabija Serdarević** osvojila je 2. mjesto na kantonalnom takmičenju iz fizike. Na kantonalnom takmicenju iz matematike bila je na 10. poziciji, a na kantonlanom takmičenju iz geografije na poziciji broj 11. Rabija se plasirala na federalno takmičenje iz fizike koje će biti održano u Tuzli; gdje joj želimo puno sreće.

Rabija je primjer marljivosti, discipline i divnog odgoja.

PONOS GENERACIJE



Učenica IX-1 **Nedžma Durović** zauzela je 2. mjesto na općinskom takmičenju iz matematike. Na kantonalnom takmicenju osvojila je 2. mjesto, a na federalnom takmičenju vrlo visoko 5. mjesto.

Našoj Nedžmi od srca čestitamo na njenom uspjehu i želimo joj puno sreće na državnom takmičenju iz matematike.

Ponosni smo što si učenica naše škole.



HORSKO PJEVANJE UZ INSTRUMENTALNU PRATNJI

Održana revija kulturno-umjetničkog stvaralaštva osnovaca sa Općine Centar


Na sceni Centra kulture i mladih Općine Centar tradicionalno je održana Revija kulturno-umjetničkog stvaralaštva učenika osnovnih škola sa područja općine Centar iz oblasti horskog pjevanja uz instrumentalnu pratnju.

I ove godine je u Centru kulture i mladih Općine Centar upriličen bogat kultuno-zabavni program za mnogobrojnu publiku, uz veliki broj učenika, roditelja, nastavnika i predstavnika zajednice.

Naša škola je učestvovala u revijalnom programu i to učenici Ritmičke sekcije sa tačkom "Kišobran za dvoje", a ekipa Hora i orkestra naše škole izvela je tačku "Bosno moja".

Kao i uvijek, nastup naših učenika odnese najviše simpatija prisutnih.

U prilogu dio atmosfere!



Savremeni tokovi u odgoju učenika



Piše:

Mediha
Beširević

U eri informacijskog i tehnološkog napretka jedan od najizazovnijih poslova modernog doba je svakako odgoj djece. Premda se u osnovi tokom predhodnih godina odgoj nije posebno promijenio, promijenile su se okolnosti i uslovi u kojima se odvija odgoj i obrazovanje.

U svakom slučaju odgoja djece, pogotovo danas, ne može biti prepušten samo roditeljima, nego i institucijama, uključujući prdškolske ustanove, škole, kao i sportske klubove i druge organizacije koje rade sa djecom. Svi oni aktivno utiču na rast i razvoj djeteta – novog člana našeg društva.

Svjedoci smo da se nisu promjenila samo djeca, nego i poslovne obaveze njihovih roditelja, kao i vrijeme koje su roditelji u mogućnosti provesti kvalitetno sa svojom djecom.

U savremenom, kompleksnom, brzo promjenjivom i neizvjesnom vremenu u kojem danas živimo, bitno se promijenilo socijalno okruženje u kojem dijete odrasta. To okruženje u ranom uzrastu je presudno za aktuelno i buduće dječije učenje, razvoj i odgoj. Boravkom i življnjem u takvom poticajnom okruženju dijete brzo i lako uči, naravno, uz uslov da je okruženje emocionalno pozitivno i da se u njemu dijete osjeća prihvaćeno, voljeno i poštovano od najranijih dana.

Škola zajedno sa porodicom kroz partnerski odnos nastoji razviti stvaralačke potencijale kod djece, kritičko razmišljanje i kompetencije koje će dovesti do samoaktualizacije svakog učenika pojedinačno.

MATURANTI ŠKOLSKE 2021/2022. GODINE

IX-1



IX-2



IX-3

NA KRAJU JEDNOG POGLAVLJA...

MOJA ŠKOLA I JA

Zara Asani! - Bila sam prozvana. Trebala sam otići do svoje prve učiteljice, tako mali, a opet tako velik korak. Tada, 2013.prvi put sam kročila u hol naše škole, a danas po hiljaditi put koračam prostorijama škole Alija Nametak.

I ništa se promjenilo nije, a zapravo se sve promjenilo. Ko bi rekao devet godina je prošlo, maturantica sam skoro, a kao da sam jučer gledala veliku djecu na hodniku i divila im se sa svojim sad najboljim drugaricama.

Ustajem i ostavljam svoju klupu. a ne bojam se da će ostati sama, doći će druga djeca, ali ta klupa će uvijek biti moja.

Puhnuo je lagan vjetar, odnio je jesenje lišće koje je već dugo na granama i donio nešto novo kao da je spremno da stvara svoju priču.Radujem se novom početku, ali navika je to, prošetati do škole uz kiflu iz najbolje pekare, doći do zelene kapije koju se nekad preskakala djeca dok ih niko ne gleda.

Većinu nastavnika sam odmah zavoljela i čast mi je bila poznavati ih.Rado ću opet doći do svoje škole i ispričati im neku priču, a svojoj razrednici ubrati cvijet iz baštete.

Uvijek sam željela biti doktorica pa k o zna, možda neko odluči doći u moju ordinaciju. Donijet ću mu čaj i bombicu koju sam voljela uzimati iz naše školske kantine. U glavi, čak i u snovima uvijek će mi odzvanjati kako su me neki nastavnici zvali: "Zaro".Pustim suzu, kako bi moj nastavnik fizike rekao:" Zdravo je to, suza umije oko"(hahahahhh).

Falit će mi moji prijatelji i to da nas opet sve vidim zajedno na velikom odmoru kako pričamo o temi koju smo slučajno odabrali. A volim ih sve.
Ali, sada je vrijeme da započнем novo poglavlje, kako bi se reklo CHAPTER TWO.

Divan je to period bio i uvijek ću ga se sjećati. Opet svima kažem hvala, pogotovo mojoj razrednici, direktorici i mojoj učiteljici.Obećavam da ću rado opet šetati pored zelene kapije i mahnuti nekom ko još nije završio svoju osnovnoškolsku priču.

Hvala vam!!!

Zara Asani 9-3



**SRETAN 15. MAJ -
DAN ŠKOLE!**